

Headline	TNB Remaco selenggara loji jana kuasa di Kuwait		
MediaTitle	Harian Metro	Language	Malay
Date	24 Jan 2024	Readership	338,115
Circulation	112,705	Page No	23
Section	Bisnes	Journalist	N/A
ArticleSize	235 cm <sup>2</sup>		
PR Value	RM 27,666		



**Kuala Lumpur:** Tenaga Nasional Bhd (TNB), menerusi anak syarikatnya, TNB Repair and Maintenance Sdn Bhd (TNB Remaco) mengembangkan perniagaan penyelenggaraan loji jana kuasa di Kuwait dengan perjanjian program penyelenggaraan berbilang tahun untuk Loji Jana kuasa dan Penyulingan Air Shuaiba Utara di Al Ahmadi, Kuwait.

Dalam satu kenyataan semalam, TNB berkata, TNB Remaco membentuk satu usaha sama (JV) dengan Al Dhow Engineering yang berpangkalan di Kuwait dan turut menjalin kerjasama strategik dengan General Electric Global Ser-

## **TNB Remaco selenggara loji jana kuasa di Kuwait**



**Rakan usaha sama akan menyediakan penyelenggaraan menyeluruh terancang dan tidak terancang untuk turbin gas dan alat bantunya di loji berkapasiti 876 MW”**

**TNB**

vices (GE Vernova).

Syarikat utiliti itu berkata, syarikat JV TNB Remaco-Al Dhow itu me-

nganugerahkan kontrak perjanjian perkhidmatan jangka panjang kepada GE Vernova untuk menyediakan kerja-kerja penyelenggaraan turbin gas di loji itu, yang dimiliki Kementerian Elektrik, Air dan Tenaga Baru (ME-WRE) Kuwait.

TNB berkata, perjanjian itu adalah sebahagian daripada usaha lebih luas kerajaan itu untuk memodenkan infrastruktur penjanaan tenaga di Kuwait, menyumbang kepada usaha global bagi peralihan tenaga mampan.

Pengerusi TNB Remaco

Muhammad Nazri Pazil berkata, kerjasama strategik ini sejajar dengan komitmen TNB untuk menjadi peneraju dalam kemajuan landskap tenaga global.

“Kedua-dua rakan kongsi ini mempunyai kekuatan dan kepakaran masing-masing yang akan memastikan kebolehpercayaan infrastruktur tenaga Kuwait dan menyumbang kepada matlamat lebih luas dalam peralihan tenaga dan kelestarian.

“Gabungan perkhidmatan usaha sama TNB Remaco-Al Dhow dan GE de-

ngan keupayaan digital mereka akan membantu menyokong penyelenggaraan dan prestasi jangka panjang untuk Lojijana kuasa dan Penyulingan Air Shuaiba Utara serta memastikan loji jana kuasa itu beroperasi pada tahap kebolehpercayaan yang tertinggi,” katanya.

TNB berkata di bawah kontrak lima tahun itu, rakan usaha sama akan menyediakan penyelenggaraan menyeluruh terancang dan tidak terancang untuk turbin gas dan alat bantunya di loji berkapasiti 876 MW itu.

Muhammad Nazri berkata, TNB Remaco mempunyai empat lagi projek perkhidmatan penyelenggaraan di pelbagai loji jana kuasa di Kuwait.

“Kuwait antara pasaran antarabangsa terbesar kami di samping operasi antarabangsa lain termasuk Arab Saudi, Pakistan, Kemboja dan Vietnam,” katanya.

Beliau berkata, kerjasama itu bukan sahaja akan meningkatkan infrastruktur tenaga Kuwait, tetapi juga menetapkan standard untuk amalan mampan di peringkat global.